

黃梅縣志卷二十六

人物志

篤行

篤者厚也反之則薄薄俗宜敦新民是作賴有純儒立品違  
躒踐期於實德戒其涼毋矜而戾毋肆而狂勵我庸德日用  
尋常心正身修言近指遠鄉望所歸士風可轉備載其人於  
以勸善志篤行

明

洪夢甲字唯一篤學勵行至老不廢晚有足疾以壽終子世  
講舉人知縣世讓國學

黃梅縣志

卷二十六

篤行

沈瀚素行清介以明經官長洲丞夙與蘄州洪武山交密後  
武山督學江南臨長洲同閱長洲卷人不敢以私干

國朝

劉澤世字叔及諸生隨父寰任贛州日以誦讀為務子樹屏  
樹玉瑞齡士純俱文學

於璜字文葉庠生平生端謹授徒終身以文學世其家子仁  
鑑義鑑倫韋奎章教俱諸生

吳亮采字炯叔諸生素剛正質直有司馬君實風與弟鴻翼  
日以詩文相勵著有白雪堂稿子世懃國學化大士庠生  
李奇字巨藩庠生性穎異博學能文持已端介教授生徒詩



文多成家自號退菴居士

龔華廷字碩先性恬退熟史學訓子弟以謙讓稱忠厚長者  
吳軒庠生剛子端方正直疎於財族鄰凶吉事不惜傾囊幼  
英敏善屬文然絕意進取杜門斂跡著周易存疑三卷

胡利捷字咸有庠生博學能文試輒異等爲人簡默一守先  
正遺規子鎮楚貢生光文學

曾式則字南士諸生天性醇篤閉戶讀書教子登龍  
登瀛達俱文學

陳其雯字儲士弟志陞字履謙皆諸生自兒童逸老耄怡怡  
無間其雯建宗祠置祀產性和緩無疾言遠色志陞頗下

黃梅縣志

卷二十六

篤行

急而真誠自矢有外甥再世而孤力爲撫之二人子孫俱  
知名

蔣基豐字東垣泉子康熙丙子舉人刻志讀書學行純粹子  
天機國學孫朝萬附貢候選州同

喻于道字函五文學束修勵行一遵禮教子之壻郡庠生  
宛士憲文學賦性沈靜立身清潔家庭孝友凡有爭訟得其  
一言以釋

余心極字碧開文學爲人矜嚴好禮作止有則未嘗與人忤  
而人自不敢犯嘗曰人生惟安分守己最受用故邑中余  
氏獨有家法子世芳行芳元芳俱文學紹芳國學

石宏烈字廓仁文學志行醇潔終身不渝耄年築小軒於松嶺以自頤養年九十三歲子尙志歲貢

趙士謙字六皆歲貢博物洽聞制行卓犖端方子錦尙舉人錦堂選拔錦雲文學錦心國學

熊國輔字素書增生孝友肫摯氣節端嚴幼與兄恪弟恢構草堂爲四子文藝每一藝出人卽抄誦子大贊文學

何其藻字素生增生行己端方館縣令周三載不與聞外事邑人重之

洪演字易策廩生自太僕恩以來子孫克守先緒循循有規矩演尤名著子其績國學

黃梅縣志

卷二十八

篤行

三

吳宏岐字鳴岡附貢授州同爲文宗先正善書法嘗出產給族人鄉有構訟者以理論之邑令李議舉優行辭不就子三捷附貢華國大椿俱貢生

於是達字希上諸生篤於倫紀有從姪再世而孤爲之撫恤備極艱辛子時中昇平時舉俱文學時舉與修府志

陳際時字小藩庠生性謹飭雖居城市日以勤儉孝友訓其後人子士楫貢生士霖文學士元歲貢

陳雄字南勳庠生好學能文爲人渾厚樸誠築山南草堂教授生徒從遊者眾

柳時青字煥眉諸生規言矩行爲里黨所矜式尤嗜學雖酷

暑嚴寒未嘗廢業子永年輩年皆諸生

洪疇字彝敘增生性溫厚敦樸尤好交遊往來多知名士遇貧友嘗傾囊倒篋自甘澹泊晚年隱居嘯咏著有行餘集偶存草子言昌望隆言坊俱文學言福言揚國學

梅世英字漢成醇謹自守平居以善化其里黨口不言人過而耿介之操豪悍者見輒心服子士幹國學萬年庠生

王宏業字登三康熙乙酉副榜天姿聰穎學行純粹成就後學惟日孜孜子作賓諸生

潘希元恬淡自愛不樂仕進弟履陞尤嚴非義一介不苟兄弟怡怡至耄年不忍析爨邑人比之陳太邱張公藝云

黃梅縣志

卷二十八

篤行

四

鄭尙文字可珍文學賦性穎悟好學不倦子三俱諸生

桂世升字躡先爲人詳慎儉約修建橋路不惜重貲遇人急難嘗傾囊相飲年八十子日新文學以上舊志

聶俊字秀宇廩生積學勵品爲鄉閭所推重家故貧甘淡泊以館穀營生教讀三十餘年文行並勗饒有先正典刑見佳子弟之寒素者樂爲成就不計脩資故一時名雋通顯多出其門下後子與姪均領鄉薦人以爲勤於課學之報云

洪三玉國學喜施與嘗繕修橋梁捐穀濟困鄉里稱爲善人而門內之行尤篤

李懷若字超倫爲人方正族鄰有過失者輒畏懷若知而嚴肅之中寓有惻怛嘗有爲債逼而鬻妻者夫妻相泣不忍別爲代償之事遂止其慈惠多類此年八十舉於鄉明年賜翰林

何見龍字存雅庠生性恬靜鮮所嗜好操守甚嚴居鄉潔已自好享大年孫曾多列黌序

柳潢字和之增生篤於內行授徒先以孝經開諭之使其清明之氣從本根上發見故能多所成就邑中稱述先正者必歸焉

蔣楚璠字魯堂郡增生與弟文學楚珩楚琇國學楚珩兄弟

黃梅縣志

卷二十六

篤行

五

遵祖父訓讀書爲善光門閭邑稱小南門蔣氏云堂伯母黎貧寡無子迎養十餘年喪葬盡禮再從姪恩濊幼孤貧撫養教導俾掇科知名他篤行類是

吳鸞字鳳林國學以實年八十赴鄉試賜副榜黽鑠不減後生士林歎服生平勤學問謹門內之行與人交接藹然可親邑中知不知皆稱先正典型焉

石志培字必因諸生厚重恭謹言動必軌於正家貧以教讀爲生塾規嚴肅勤學者爭赴之館中至不能容又篤內行兄弟和睦每見必以守貧厲節相勉

傅鳳字渭南歲貢 賜國子監學正老於教讀言動不苟居

家以孝友稱訓子弟惟求務實嘗謂人曰吾家無大好處  
讀書耕田兩不偏廢而已如生子二人一使耕一使讀耕  
者生子又隨讀者讀讀者生子又隨耕者耕耕讀互易可  
常可繼此言可作韋茲

柳沅字南臺文學性嚴毅訓子弟務實行居鄉有正直聲族  
黨爭訟須其一言立決

於作霖字新吾文學性誠篤衣冠簡淡文如其人幼苦學七  
經皆手錄又集四書衆說參會而折衷焉教生徒先行後  
文受其陶成者多勉爲善士

王易贊字維弼增生學裕而氣和教人不事嚴肅如春風煦  
物感易入而開發良多游其門者雖更十數年後視之如  
童蒙時可想其誠懇之概

黃梅縣志

卷二十八

篤行

六

程咸熙字厚齋從九父兄寄居竹山閉關數千里子身迎父  
歸養往返備嘗艱苦又嘗倡捐祭產爲一族所推重

巖華先字鎮訢國學質行廉厚至老不渝教諭劉學澍深器  
之劉岸然道貌而能文蓋同類相取云

柯之薦字兆揚力學未博一衿兄老病奉侍周至兄子在寅  
從受學早逝遺孤龍光體羸薦飲食教誨翼而長之俾至  
於成人龍光貢成均具述所自常淚下

梅楫字國滋國學性方直不諧俗而善信自足感人每遇閭

里忍爭片言立解有貧不能娶及年荒棄婦者悉竭力助資令其完聚一鄉之中咸稱長者年踰八旬卒

鄧士潔字鵬海文學性極長厚嘗收租佃以劣穀進令易之佃抗不易反加橫逆默然歸家眾爲不平將控官究治潔恐其受累星夜趨佃告之故第云後不可復爾仍收前穀素行多類此年逾八十重遊泮水

王序字德馨號層修增生性謹嚴動循禮法里居教授剛柔日課無閒家多藏書口誅手抵幾遍故所學甚博子死於難孫復歿生平著述遂無一存者

岳兆元字克家號勉齋歲貢生平無疾言遽色鄉有忿爭者

黃梅縣志

卷二十八

篤行

七

質之元皆帖然服晚年精於地理爲人卜吉非善門不輕往故不以堪輿家名

周鴻章字玉瓚勤於課讀及門多所成就平居恂恂不以才智見而一鄉稱善人積食饑年資當充貢值咸豐間兵燹停試以廩生終

黃元潤字煥章廩生有聲庠序試輒空羣時藝饒有根柢經史盎然聞人一技一能津津樂道率其虛懷好學之姿可期遠到中道徂謝士林惋惜

續載

洪兆茲字載育性嗜古不慕名利以詩書孝弟訓子姪同爨

而居者數十人無閒言布衣粗食淡泊家風年八十二  
汪福堂字疇五國學豐於財而儉約自處老屋數椽布衣蔬  
食然見義勇爲嘗捐社田數十畝邑脩文廟文昌閣奎閣  
皆出貲襄助喻元鴻爲敘其事卒年九十二

鄧期字裕凝國學性剛正而極恬靜戚族爭競者求之急始  
出一言以相解里閭不肖之行恐爲所聞其令人欽重率  
類此

柳紹蓮字震宇國學天性樸實生平無奇節異行而寬厚存  
心和藹接物一鄉推爲善人子孫林立

毛裏字賓寅文學性純謹父早逝事母以孝聞毛氏故軍籍

黃梅縣志

卷二十六

篤行

值造艘費無出舉戶憂惶裏雖例不當軍心關一體與第  
文學長裕商之將私產變賣得金數百襄眾協造宗族德  
焉

程軒躍原名夢鯉字文淵老於諸生以實年八十賜副榜績  
學植品勤於課讀戶外事枲不與聞邑人推重

洪廷灼字文炳增生孝行純篤內外無閒言築室南湖濱歸  
真返樸不染時習鄰有不舉火者私袖金遺之不令人知  
柳昌運字綱尚庠生性渾樸不事雕琢居家以忠厚垂訓接  
鄉人以和享年近九旬邑尊薛題元氣潭成贈之

潘誠一字鳳操號桐岡文學純樸能文兼工書法嘗遊山東



廣西學幕精心校閱所得多名下士居鄉恂恂然其和可  
飲列學籍六十餘年 恩賜副榜

蔣傲澄字星燦文學性耽畧不問家人生產壹意勤學年四  
十始博一衿遂無意進取教授生徒一秉先民法式於子  
弟輩尤多所成就族黨稱之

畢俊字冠千增生少從喻文鏊受業最稱馴謹器識深沈不  
露里黨稱善人喻詩集中重九看菊云耐久交難得籬邊  
護幾枝要從霜降後看到雪飛時蓋謂俊也

陳清濂字芝茂廩生授徒四十年不計修脯勤於講說隨其  
資質所至高下淺深咸使領悟邑中稱善教子弟者必推

黃梅縣志

卷二十八

篤行

九

清濂

劉開第字星鑑歲貢爲人古樸不尚文飾清慎自持而待人  
忠厚以詩書世其家子孫克自成立

梅紀鼎字盥齋敦品精學事父母以孝稱尤樂善好施推食  
解衣助施棺木鄉有忿爭者力爲排解無不冰釋

洪芬字馨樸庠生性友愛能分多益寡居鄉遇大小事慷  
慨剖決出以至誠罔不帖服至今猶嘖嘖人口年七十二